

觀

象

玩

占

觀象玩占辛集目錄

第三十二卷

井宿雜座

鬼宿

柳宿

第三十三卷

宿宿雜座

張宿

翼宿

軫宿

第三十四卷

拾遺

斗極列宿暈

星雜變占

第三十五卷

五行雜妖

雜妖

候彗星法

日月旁妖星

第三十六卷

流星諸占

五星自流

隕墜自營

第三十七卷

雲氣

日暈氣等占

觀象玩占卷之三十二

井宿雜座

南河北河

總敘

南河三星北河三星分夾東井曰天高一曰天亭天之闕門主闕梁南

河曰南戍一曰南宮一曰南紀一曰陽門一曰南關又為越門北河曰北戍
一曰北宮一曰北紀一曰陰門一曰北闕又為胡門南河戍為權主火一曰南
戒北河戍為衡主水一曰北戒兩戍間為天中道七曜之所常行行
而過之則吉不得久留則殃咎生焉兩河星明則天下安不明則四
夷交侵動搖則邊兵大起星不具則有大水道不通南星不具則
南道不通北星不具則北道不通

雜干犯占

月入南北河戍門天下人疾疫南戍為中國北戍為夷狄之國月入南
河戍中若犯南河兵起中國凶大旱人疫男子多死月行北河戍中若

犯北河兵起夷狄凶大水人疫女子多死月出天門中道之南大臣不
附天子惡之

月出天門中道北胡王死

月行南河戌南刑法峻急誅罰不當兵起且大旱

月出天門中道之北而行北河戌北人君失道奢侈貪淫自恣兵起且大
旱近期三年 中期六年遠九年災禍至

月入北河冠帶之國兵儘起 月暈南北河有土功

歲星行南河戌中石氏曰四方兵起百姓疾病

歲星乘南河戌若出其南中國兵起

歲星守南河石氏曰變起兵起邊戍有憂有旱災人飢

木星留守南河戍中為喪黃帝占曰人疾病却萌曰為男子喪木星
出北河若乘北河戍為女子喪黃帝占曰木星乘北河戍若出其死
胡王死

木星守北河玄冥占曰胡兵動若守之三十日不下胡王死胡人敗
天下大水人飢期不出二年來咸曰木星守北河邊臣有以罪死

木星守兩河間天下離隔道路不通

木星入北戒天下有覆囚移擊一曰大臣誅

熒惑行南河戍中黃帝占曰旱石氏曰四方兵起民疾病火星中

犯乘守南河戌天下兵儘起大旱大疫男子多死守南河戌二十日
至三十日

國有男喪 荊州占曰火星守南河兵起守之三十日以上百川
皆溢五穀不成又為旱災和萌曰火星守南河戌大國主不吉子
代又有旱火之災石氏曰火星守南河變夷兵起邊戌有憂人飢
玉歷曰以火為害火星守南河之西星木果不實食其西星有兵食
其東星天下大戰

火星逆行犯守南河國有喪人主當之

火星逆行犯守北河國有喪女主當之

火星入北河戌中荊州占曰大臣有盜職者若留止之天下兵悉起
郝萌曰火星入北河戌從西入六十日有喪從東入九十日有

火星守北河戌胡兵大起入境若守之二十日故兵敗郝萌曰火星
守北河大國女主 不吉玄冥占曰

天下大水人飢期不出一年若二年

火星守北河環繞之成勾已胡王死

火星守天關日月之門人主絕祀以入日占國郝萌曰大喪國內亂
黃帝占曰火星舍北河戒二十日國有女喪

火星舍北河戌天下有覆獄移禁一曰大臣誅

火星合兩河間留二十日河關不通諸侯送命 黃帝占曰火星
舍兩河間留三十日百川皆溢春秋文耀鉤曰兵起天下困天官書
曰穀不登却萌曰天下中隔不通

火星舍南闕下為飢 火星出河戒守北河若環繞之邊將有不請
命而伐夷狄者勝却萌曰火星行北河戍北去北戍三文當發千人以上
去北戍二文發萬人以上去北戍一文成閉道無行人 火星食北
河西星人相食食其東星五穀不實兵起鎮星守南河兵起道不
通石氏曰蠻夷兵起邊戍有憂又為旱災人飢土星守北河戍西五穀
不實 土星守北河胡夷兵動若守三十日不下胡王死胡人敗天下

大水人飢期不出二年 土星守南北河戌有賜爵祿不出六十日
有赦有土工事 土星守天門天下道路不通

土星乘南河出其南中國旱民災出其北北夷災

土星行南河戌中為旱人疾病有男子之喪

土星出北河戌北若乘之胡王死有女喪有大水

太白守南河天下難起道不通石氏曰蠻夷兵起邊戌有憂若有

旱災人災海中占曰邊臣有謀諸侯起兵君憂敗亡 太白守北河

戌甘氏曰邊戌有謀兵起關梁不通人主憂期一年邠萌曰有內謀

一曰有白木之會一曰四夷相伐玄冥占曰胡兵動若守之三十日不下

胡人敗胡王死天下大水大飢期不出其年太白留止南河戌中黃帝
占曰旱人疾病國有男喪留之三十日有奸謀一曰太白舍南河戌
三十日百川皆溢

太白乘南河戌若出南河為中國兵起

太白乘北河戌若出北河北黃帝占曰皆為胡王死若留北河戌中
三十日必有自來之王將其民降中國留之過三十四夷大亂太白
從南來南夷當之從北來北夷當之東西亦然

太白行南河戌中若留止之為西方兵起人疫

郝萌曰太白舍北戌三十日國有女喪又曰太白留止北河戌下中國之

兵所向皆勝石氏曰太白入北河戍中而留止不出百曰天下之兵悉起並
戰 太白行兩河中道不去而守之天離隔不通出陽門中為旱
為疫出陰門中為水為兵

太白與熒惑俱在天關中有大事有分國

辰星守南河戒兵起蠻夷動造臣憂有旱災人飢又曰水星留南河
戒為兵起西方水行南戒中若留守南戒為旱為飢為病

水星守北河夷兵起邊臣有謀若留止則天下兵皆起

水星出北河戍間而留守之胡兵入以敗去水行兩河天門中不去而留
守之天下有難道不通荊州占曰天下爭離水星乘犯南河戍出其

南中國有兵

客星出南河戒有男子喪事於外若入南河戒有男子喪事於內

客星出南河壘夷起兵道不通

客星出北河戒胡兵動關道塞有胡憂北河戒多小星民不治將失職

胡為暴 客星入南河大旱大飢

客星入北河有大喪於外有水災大飢從東入九十日有兵從西入六十

日有喪却萌曰

客星入北河諸侯有奸謀一曰有胡兵

客星守南河民多瘟疫

客星守北河大水曰胡為暴一曰奸臣在中荊州占曰后有乳疾

客星守兩河界若犯兩河天子出走大臣執威天下有難道不通

赤心守北河戒臣賊主大臣誅

客星見兩河戒間有奸臣在中

流星犯南河蠻夷兵起防戍有憂一曰大喪旱

流星入南河兵起人飢

流星入北河巫咸曰為水為飢期二年一曰胡兵入中國關梁不通

流星絕兩河間天下有難道路不通石氏曰有客抵兩河間天下大亂

彗字出南河垂越起兵邊戍有憂若關吏有罪者

彗星出北河戎狄起兵邊城憂 彗孛守南河大旱

彗孛守北河大水胡兵入中國以敗去 蒼白氣兩戒間兵大起道不通出兩河戒則禍除

蒼白氣入北河邊兵動又為病疾胡王死

黃白氣入河戒間隨河行天子出德令逆河行有客來求和親者

赤氣入南北戒間天下有難道不通

赤氣出兩河間天子用兵于諸侯

積水總敘

積水一星在北河北一名聚水王聚美水以給天子酒官其星明則天下安

享宴礼行不明則五谷不登燕享礼廢徭役繁多人民憂明大動
搖則河海決溢津梁不通一曰星明則水大出有淪邑

雜干犯占

五星犯守積水巫咸曰有水災水物不成水兵起魚鹽貴一曰糴貴人
飢 火星入積水若守之旱且水巫咸曰大臣誅

客星犯積水兵起天子宮門宗廟不祀大臣憂

客星出積水天下水溝為災有土工隄防之事不出一年流星抵積水
若入之有大水舟楫用人大飢

彗孛犯積水兵起宮門宗廟毀絕大臣憂

蒼白氣入積水天下水災。

五諸侯總敘

五諸侯五星在東井東北近北河一曰帝師二曰帝友三曰三公四曰博
士五曰太史主為天子定疑士官也主刺舉戒不虞又主扶顛持危發
奸隨伏察陰私隱匿之事星欲其均明明大潤澤大小齊等則王者
言昌輔臣忠正差戾不明則忠良屏斥上下相猜勳搖王者不安天下有
憂春秋元命包曰五諸侯生角則禍從中起從移則外牧傷天子避宮公
卿逃邪萌曰五諸侯不見則貴人有謀王者張衡曰五諸侯赤則豐暗

則缺

雜干犯占

月犯五諸侯諸侯有誅死者

五星中犯乘守五諸侯諸侯死以所中命之期三年至咸曰五星入諸侯兵起伺其出日數之期二十日兵發又以始入日數之率一日期十日兵罷凡五星入列宿及中外官皆以此期之歲星犯五諸侯石氏曰兵大起將去出諸侯有憂君死者歲星守五諸侯玄冥占曰臣有謀主者一曰議臣不忠君以罪黜石氏曰木星中犯乘守五諸侯有以兵死者熒惑守五諸侯人主愚弱却萌曰諸侯有奪地誅死者石氏曰火星犯五諸侯若守之兵大起諸侯憂君有兵死者期三年火星逆

行犯守五諸侯王曆曰秦國不可興兵先起亡後起者昌曰

火星犯五諸侯大臣謀反不成

鎮星犯五諸侯若守之兵大起將士出諸侯有死者一曰土星中犯乘
守五諸侯所中者有殃

太白中犯乘守五諸侯兵大起諸侯有死于兵者

辰星占同太白 金火犯五諸侯先舉兵者敗亡

客星犯五諸侯王室亂天下兵大起宗廟不祀

客星出諸侯大臣有憂君執政得罪一曰議臣有黜者

客星守五諸侯天子親屬失位大水五穀大貴民道死秦地尤甚荊州

占曰諸侯亡地 秦地大殃

赤星守五諸侯天下大亂

流星入五諸侯有大喪以星入日占其國 流星出五諸侯諸侯有死者
其星中散絕諸侯坐坐其殃咎

彗孛犯五諸侯兵起王室大亂天子宗廟不祀曰州牧及西方諸侯失
土曰執政臣誅君有被戮者貴人當之入主有憂期一年遠五年

彗孛出諸侯兵起朝廟之中曰九州合謀牧守昏天

蒼白氣入五諸侯諸侯有出死者 晉元帝大興二年十月乙亥熒惑

在東井君五諸侯南知躡積三十日占曰諸侯憂大星守井宿二十日

以上夫人憂永昌元年三月王敦反攻京師六帥軍敗績敦遂殺周顛
刁協及譙王承甘卓閏十一月帝崩唐武后長安二年癸亥犯五諸侯
渾儀監尚甫奏臣命任金五諸侯太史之位火克金臣將死矣后曰朕
為卿禳之以獻甫為水衡都尉水克火又去太史之位卿無矣憂是秋
獻卒甫

天罇總數

天罇三星在井北五諸侯南主盛饘粥以給貧病其星明則吉暗則凶

雜干犯占 五星犯守天罇民飢

積薪總敘

積薪一星在積水東聚薪也以給享祀供庖厨其星欲明明財五谷熟
享脩庖厨卒不明則庖厨空虚天下旱歲不登人飢國憂石氏曰積薪
不明則君臣不和宗廟不享又曰積水積薪相去五尺以內則天下和
平五穀豐相去一丈以外則天下飢荒人民流亡

雜干化占

五星犯積薪若守之五谷不成民飢流亡

木星犯積薪大旱人飢

火星守犯積薪大旱川易道石氏曰庖官以火為憂甘氏曰五谷旱傷
金火守犯積薪兵起

客星守積薪有以薪蒿之事致罪者

客星守犯積薪有亂臣在宗廟 流星抵積薪廚官憂若犯之天

下以薪蒿為憂

彗孛犯積薪有好臣在宗廟 赤氣入積薪大焚積聚

水府總敘

水府四星在井東西南水官也主設隄防以備水其星明大異常則有

大水災他星犯之占同水位

雜干犯占

五星客流彗孛氣入守犯之皆同水位

水位總敘

水位四星在東井北西南列主水衡以洩溢水官也星贊曰水位四星
瀉流石氏曰衡平尚水水平而後流其星微小如常則雨澤特天下
安民大則大水橫流五穀死傷民以水飢變色失常則兵水俱興焦
延壽曰水位上近北戍則國沒為河以變起日占國

雜干犯占

五星犯守水位天下以水為害津梁阻塞一曰大水入城廓傷人民期二
年荊州占曰火星守水位下田不治一曰五星守水位出其北大水出其
南大旱

客星守水位百川泛溢

客星犯水位大水河決一曰水道不通水賊兵起水官憂一曰臣下有謀兵起期三年乙巳占曰客星犯水位水道阻塞有伏兵在水中以水為害君出水位臣下有謀起兵

流星入水位天下有水河溢流五穀不成天下大飢人 流亡期三年
流星出水位色青黑所之國大水色青黃所之地大旱彗字出水位
天下大水五穀不登人飢兵起

彗字犯水道不通有水賊以水為害天下大水人飢流亡

黑氣入水位大水 赤氣入水位大旱

四瀆總敘

四瀆四星在東井南軒轅之東江河淮濟之精也其星明大動搖則大水泛濫

雜干犯占 闕兵總敘

闕兵二星在南河東天子之象魏其星動搖則天子官闕間有變

雜干犯占

金火守闕丘兵戰闕下

客星出闕丘宮闕之間有好臣亦為有賊

彗孛出闕丘至咸天子離其宮闕不則官闕之中有兵火起

彗孛犯闕丘帝主滅

赤氣入闕丘宮中大灾天子不安其居

軍市總敘

軍市十三星如錢狀在參東南天軍貨易之市水官也市中小星衆則軍食足少則軍乏糧市空則士卒離叛

雜干犯占

月入軍市兵起人主憂

五星入軍市天下以飢起兵若守之軍飢士卒逃散

客星入軍市軍中有刺客

客星出軍市軍中大飢將走卒逃亡之同占無軍在外客星出入軍中
兵起

流星入軍市軍無糧市散一曰有客使至軍中視所從來以五色占之
流星出軍市大將出

彗字出軍市大兵起天下大飢軍乏糧將士離散軍民多死亡
赤氣入軍市軍中大驚

野雞總敘

野雞一星在軍市中主知變恠虞伏奸又曰野雞大將也主屯營軍之
號令警急設備其星明大則將勇兵強不明則將弱士卒離散其角

動搖則兵起荊州占曰野雞野將也主兵野雞出市則天下兵相攻

雜干犯占

五星入守野雞其國將死兵散以人日占國

流星抵野雞甘氏曰將死亡兵雜散先起兵者飲期三年

彗孛犯野雞大將死軍市散諸侯相攻有亡國

丈人總敘

丈人二星在軍市南國之老臣也其星不見則黎老之情不通又曰主壽考而哀孤窮也

雜干犯占

客星犯丈人臣不得自通 彗孛犯丈人老臣憂

子星孫星總敘

子二星在丈人東孫二星在子東皆所以待丈人而扶持之其星不見則凶

雜干犯占

老人總敘

老人一星在狐矢南曰南極老人主壽考去疾疫除毒氣一曰壽星常以秋分之旦見於丙香分之夕没于丁故以秋分候之南郊明大而赤則人主壽昌老者安微小若不見則老人不安人主不昌色黑白則老人災

人主有咎，平咸曰：老人木官也，色白，老人不寧。

雜干犯占

五星犯守老人，老人死，兵起，人災，王者惡之。

客星犯老人，天下老災，兵起。

客星入老人，為政不和，入守之，石氏曰：天下人疫，兵起，老人行。

客星出老人，兵起，老人不安。

客星色黃，闕光澤，守老人，黃帝占曰：是謂扶老，其國安，老人昌。

流星出入老人，有憂疾。海中占曰：流星抵老人，大兵起，老者行，乙巳占曰。

流星犯衝南極老人，天下大安，風雨順，天子壽昌。

彗孛星出老人人主受殃老人不康白氣掩人老人王者國絕

天狼總敘

狼一星在井東南主殺掠一曰夷將一曰天陵主南夷主盜賊全官也其星色欲黃白無光芒不動搖則天下寧色赤而大光芒四張動搖變色則天下亂兵大起盜賊橫行百姓憂危利州占曰狼為盜賊狐為天弓以備盜賊故孤常射狼矢端直則狼不敢動而盜賊不起狼星動搖則胡兵大動人主不居其官躁怒則人主好馳騁狼又主羊又主狗丑咸曰狼星易處則天下飢兵滿野狼星白芒白衣徒聚天下芒角則多盜賊色赤則兵大

起色芒則國有憂

雜干犯占

月犯天狼有兵陳而不戰一曰兵起小戰有水事

月食天狼外夷相謀 月暈狼弧兵起

五星犯守天狼兵車滿野盜賊塞路一曰胡兵入中國一曰野獸多死狗
多死荆州占曰大將出行其國有兵以入日占之一曰有死將玉曆曰
多盜賊人主憂之

火星守天狼又為諸侯相攻一曰夷犯將死和萌曰狄有自反其王者
荆州占曰

火星守天狼天下發兵將軍有千里之行若勾已環繞之大人憂太白占

客星守天狼石氏曰夷狄來降邾萌曰邾失大臣色赤者得色青
黑者亡犯之狗大貴荆州占曰有圍城以入日占何國 甘氏曰客星
出狼若守之天下起兵多盜賊將相有千里之行期一年遠三年
流星抵天狼兵大起大將有千里之行將軍有死者黃帝占曰流
星抵狼星破之秦國有殃先起兵者亡期二年

彗孛出天狼國有急兵大將出軍有憂若守之有千里之行有大
戰流血軍半死一日天下盜賊起一日白衣會

赤氣入天狼胡兵入塞民大恐憂

弧矢總敘

弧矢九星在天狼東南天弓也以備盜賊狼為奸寇弧司其非故帝
注矢以向狼弧不張矢不直則天下盜賊橫行黃帝占曰弧矢主備非
常其星大而齊明色黃潤澤則天下息兵變色失常則天下兵起荆
州占曰弧主武官弧張也戰者不勝弧動先用兵者吉後起者凶黃
帝占曰狼旗七星屈曲則夷狄可攻狼旗者弧也洛書曰狼弧張害
及胡又曰黑地之亡也狼弧張荆州占曰弧色青黑國有大憂張衡
曰弧矢引滿則君臣則謀天下兵悉起芒怒則四海交兵矢不直狼
則盜賊不禁

雜干化占

月行入弧矢臣踰其主

月暈弧矢及狼星兵大起拘多暴死人相食

五星守犯弧矢荆州占曰貴人多死大將有千里之行守之兵大起多盜賊以入日占國却萌曰耀大貴人飢有兵戰國有大驚焉客星入弧矢南夷有米降者亦為蜀

客星守弧矢野將死石氏曰主將弱却萌外夷大飢有兵若弧星張則先起兵者利後起者不利

客星出弧矢兵出入弧矢兵入巫咸曰客星出弧矢若人之其國有兵大人驚貴人死士卒出行不出其年 却萌曰客星合弧矢秋雨五穀不

收舍弧矢左右臣有伺其君者

流星入弧矢天下兵起諸侯相攻弓矢貴秦負兵期一年曰流星入弧
矢胡兵起有屠城殺將

乙巳占曰流星犯衝弧星夷狄大起兵大動大戰流血

彗字出弧矢弓矢大用國亂民驚盜賊縱橫

彗字出狼弧間人主以侵欲起怨外夷反叛

赤氣入弧矢天下驚恐一曰胡入中國

黑氣入弧矢胡中疫作

鉞星總敘

鉞一星附井之前主伺淫奢而斬之不欲其明明與井齊則用鉞於大臣

雜干犯占

月五星犯守鉞星為斧鉞用

客星犯鉞星將卒死

鬼宿雜座 天狗總叙

天狗七星在狼北鬼宿西南橫河中以守賊也夫色變常則天下有大盜賊動搖移徙則兵起

雜干犯占

月暈天狗多是風

五星入天狗荊州占曰北夷大飢來歸國多土守之為兵誅曰大飢人相食

客星入天狗有暴風急雨黃帝占曰北夷飢來降荊州占曰多土守之守禦臣作乱彗星出天狗群臣盜起虎狼害人君犯之盜賊起守禦之臣有憂

天社總敘

天社六星在孤東南社神也其星明直則社稷安動搖失常則下謀叛

雜干犯占

金火守天社社稷不安

客星入天社有祠事于國內出天社有祠事于國外若犯之社稷危易
主

彗字出天社若犯人之除舊布新社稷再造

外廚總敘

外除六星在柳南祭祀享燕之廚也占與天廚同

雜干犯占

五星犯守外廚天官有憂

太白犯外廚有誅死者

天記總叙

天記一星在外廚南主知禽獸齒歲凡所烹宰不失幼不殺孕故處外廚之門

雜干犯占

金火犯守天記天下禽獸多死 客星守天記國政亂

彗孛犯天記人不安居六畜疫禽獸不育多死者

黑氣入掩天記禽獸大疫六畜死耗

耀星總敘

耀四星在軒轅西亦曰烽火主烽火備驚急其星不欲明而不欲亡小而不明則天下安靜明大則邊亭有急動搖則外兵大入亡不見則賊在

守侯之臣

雜干犯占

金火犯守權星邊亭有急

赤氣入權星天下烽火大動

積尸氣總敘

鬼中央白氣為積尸氣主死喪祠祀不明則兵起大臣誅

雜干犯占

月犯積尸氣賢臣女后憂及大喪謀臣憂糾彈之官有憂

歲星犯積尸氣兵喪王者疾斧鉞用

鎮星守積尸氣其分積尸滿野

客星守積尸氣人主惡之

柳宿雜座

酒旗總叙

酒旗三星在軒轅右角南酒官之旗也主燕享飲食其星明則歡娛之事昏暗則天子以酒失禮星亡則天子沉酒天下以酒亡

雜干犯占

五星守酒旗天下大醜賜爵宗室有酒食財帛之賜天子飲食失度則熒惑徘徊于酒旗

太白犯酒旗春秋文耀鉤曰公卿有謀

辰星犯酒旗天下以酒傷害財物

客星守酒旗天子飲食失度荊州占曰天下大醺酒食害財宗室
孽孛出酒旗人主以酒過為相所害

赤氣入酒旗天子以酒喪身

觀象玩占卷之三十二終

觀象玩占卷之三十三

星宿雜座

軒轅總敘

軒轅十有七星在七星北黃帝之神黃龍之體一曰樞星一曰東陵一曰昏昌宮主雷雨之神又為後宮后妃之舍與六宮之內政以弼太微刑萬國其南端明星女主也母也女主北六尺一星夫人也屏也上將也又北六尺一星次夫人也妃也次將也又北六尺一星次妃也其次皆衆妃也女主南三尺一小星女御也西南又所一星曰太民太后宗也東南又所一星曰少民皇后宗也軒轅為女主之廷一曰天柱土官也張衡曰軒轅為龍之體以主風雨合陰陽震為雷激為電和為電和為雨怒為風亂為霧凝為霜散為露聚為雲淫為虹蜺離為背瑤分為珥皆軒轅至之石氏曰軒轅中央土神黃帝之舍也其星色黃潤澤

大小有序則時和歲豐後宮多子其星小明與大星等則後宮爭妃妾上僭移徙出外則民流亡從胡移徙入內則民大飢胡人來動搖就聚昏后夫人死喪女御去大星遠則女使有賊心迫近大明則有賞賜若東西徙至大小民則主者淫泆以賤為正東西角張而振則后族敗消小不見則后妃不安星色變黑則后宮多死者

雜干犯占

月入軒轅女主失勢中犯乘之有逆賊女主憂宮中火災

月犯軒轅大星女主有灾亦為人飢掩食之則女主亡却萌日月乘軒轅大星民大飢大流犯乘小星民小飢小流

月犯軒轅左右角大臣有誅死者

月犯女御女御有憂御僕死

乙巳占日月犯太民太后宗有誅者若有罪犯小民皇后宗有誅者若有罪又為民飢犯其端臣子反有亂臣臣失勢其所者以官命之

月暈軒轅有女喪有小敵

五星犯守軒轅有逆賊有大災天下飢犯大星女主憂犯妃夫人妃夫人憂亦為將軍有憂犯女御女御憂犯太民太后宗憂犯少民皇后宗憂一曰犯左右角大臣當之

歲星犯軒轅有以女子謀人君者曰木星行犯守軒轅女主失勢
一曰大臣當之君有黜者期二年玉曆曰後宮不安木星犯太民皇太
后宗有誅者民大飢大流

木星犯少民皇后宗有誅者民小飢小流

和萌曰木星行軒轅有青龍出宮中

歲星勾己守犯軒轅天下大旱飢歲星主農事軒轅風雨之神也

熒惑入軒轅用事女子當之又曰期五月兵起

火星中犯乘守軒轅所中者死不則有大憂

火星行軒轅中荊州占曰女主失勢

火星守軒轅黃帝占曰兵起期五月春秋元命包曰主亂于色嬖妾
爭石氏曰宮中有放者却萌曰女主惡之荆州占曰地動春秋文耀鉤曰
主以女子而士二曰宮中有誅者期百二十日

火星流軒轅中石氏曰女子有謀君者守之十五日以上宮中兵起天
下大亂國易政期三年却萌曰火留軒轅中十日以上為旱君留之
久則宮中有誅死者

火星經軒轅勾已環繞之后妃內亂一曰人主惑於妃后則災惑展轉
軒轅中一曰君遠后而受膝

火星逆行守軒轅火星而環繞之成勾已天下大亂后妃誅死宮破主

亡天下易主期百八十日遠二年

鎮星行軒轅中干犯之女主失勢有憂喪地裂大夫有放逐者五官
有不治色瘁為憂為病其所在于犯乘守者有誅若得罪

土星居軒轅中石氏曰有以女子謀人君者

土星守軒轅石氏曰大赦天下甘氏曰天下大亂後宮破散改政易王期
三年

太白入軒轅春秋文耀鉤曰四猾起石氏曰有逆賊

太白出軒轅黃帝占曰必有白龍出宮中

太白犯軒轅后失勢有反臣有兵喪民飢禍起女主惡之犯火星女主

死不則有大憂

太白行軒轅中大夫放逐者五官憂有所中犯各以所主命之

太白行軒轅貫其中而東出荆州占曰大臣出令

太白居軒轅中有好女以謀人君者

太白守軒轅兵大起宮中有憂有女喪

太白守火星勾己之皇后有急君憂死一曰天下易主

辰星于化軒轅女主憂有逆賊兵起有所中犯乘守各以其所主命之

客星犯軒轅宗室有及者

客星入軒轅有女子惑天子荆州占曰美人有自經者郝萌曰外夷有來

降者

客星出軒轅後宮失勢君有所守則各隨其所守后夫人妃御當之
客星守軒轅女主有憂石氏曰五將兵發荊州占曰宮中有女子飲藥
自殺者

客星守軒轅大星君犯之女主逆天子君女主與人有好事一曰
客星入軒轅有遠客來以女子惑天子者

客星犯軒轅美女枉死

客星逼近軒轅天子謀滅宗廟

青黑星出入軒轅皆為夫人妃嬪有子不成

流星散出軒轅間中宮女子多讒亂

流星入軒轅后有事 乙巳占曰天子有子孫喜

彗孛犯軒轅近臣誅族出之后失勢一曰妃嬪為亂入之后族亂守之三
日天下亂宮中閔女主死人主有大憂國易政

蒼白氣入軒轅後宮有疾病

赤氣入軒轅宮中憂

漢光武建武九年七月乙丑金星犯軒轅大星十一月金星又犯軒轅
軒轅者後宮之官大星為皇后金星犯之為失勢是時郭后已失勢
見疎後廢為中山太后

和帝永元二年九月金星犯軒轅其年竇氏誅太后失勢

桓帝延禧七年八月庚申歲星犯軒轅大星十二月乙丑熒惑犯軒轅第二星其八年二月癸亥皇后鄧氏廢遷于祠宮親黨比自繁暴室

內平總敘

內平四星在中台之南軒轅之北執法平罪之官也其星明則刑罰平微暗則獄不理

雜干犯占

流星犯內平王者大憂

天相總敘

天相三星在酒旗南大臣之象主爵位及五色作服之事其星明則相臣忠暗小則相非其才動搖則相易芒角則相專恣星亡則輔相之臣有誅黜者

雜干犯占

五星犯守天相將相誅不則有黜貶者
客星出天相天子有變令入之相臣憂
主星入犯天相臣有誅死者

彗孛出天相相臣有謀兵起犯之相死

黃氣入天相相臣有喜

黑氣入天相相臣死不則疾病

蒼白氣入天相相臣憂

赤氣入天相相臣誅 赤氣出天相相出師

天稷總敘

天稷五星在七星南農正也取百穀之長以為其號主百穀其星溫
溫而明則百穀成歲大豐不明則穀不成星不具則歲飢星亡不見
則大飢人相食

雜干犯占

五星犯守天稷海中占曰有大旱穀不成大飢

客星入天稷有祠事於國內出天稷有祠事於國外海中占曰客星

守天稷穀散出歲凶人飢久之社稷不安

流星入天稷五穀出穀不成天下飢民流亡

彗字出天稷歲大飢五穀不成人流亡社稷不安

彗字犯入天稷社稷易主

張宿雜座

太尊總敬

太尊一星亦名天尊在中台之北貴戚也守常則吉細微失色則貴戚

有憂芒角搖動則貴戚恣橫星亡不見則貴戚有誅死者

雜干犯占

客星流星犯太尊貴客有憂

彗孛犯太尊貴戚敗

黃白氣入太尊貴戚受賜

青黑氣入太尊貴戚有死者

赤氣入太尊貴有以罪受誅

天廟總敘

天廟十四星在張南天子之祖廟也其星均明則吉微暗則失常有

白衣之會又曰有兵軍食不通又曰天廟星色黃潤則吉蒼白

有憂星黑則憂在宮中

雜干犯占

金火入天廟宗廟有殃 客星犯天廟軍道不通
甘氏曰有兵馬多死若中犯乘守之有白衣會亦為祠官有憂

彗字出天廟宗廟改

彗犯天廟宗廟絕祀

翼宿雜座東甌總斂

東甌五星在翼南主東越及穿冑裳諸國
蠻夷之星也動則蠻夷有變芒角張則蠻夷叛

雜干犯占

金火守東甌其地有兵 客星入東甌其君以金玉來

彗星犯東甌蚩夷相攻有亡國君出之蚩夷其亂

軫宿雜座

左轄右轄總敘

左轄右轄各三星附軫兩旁主王侯左轄為王者同姓右轄為異姓星
明大兵起遠軫凶轄舉南蚩侵軫無轄國有憂

雜干犯占

月入轄星將相庶子死 客星守轄星主車吏憂

五星客彗守犯轄星南蚩吳越主憂主兵主喪又主荆楚之分災

長沙總敘

長沙一星在軫中主壽命明則王者壽子孫昌微暗細小乍見乍不

見王侯有喜

雜干犯占

客星流星入長沙天下動搖

軍門總敘

軍門二星在青丘西天子六軍之門也主營候其星移徙則軍道不通

雜干犯占

客星守軍門軍道不通

土司空總敘

土司空四星在軍門南主土工主九域地界正疆理辨風土均職貢來遠
人其星均明則天下大同暗小則德政修遠人離叛

雜干犯占

金星犯守土司空男不得耕女不得織天下大飢兵大起

客星守犯土司空兵大起土工大興人民失業百姓愁怨國有大咎
流星犯土司空天下兵起人飢失業

青丘總敘

青丘七星在軫東南主東方三韓之國南夷蠻貊之星也其星明大

則四夷有兵動搖坐角則蚩夷叛

雜干犯占

流星入青丘蚩夷來歸中國

器府總敘

器府三十二星在軫南樂器之舍也主音樂律呂其星明則樂和微暗則樂廢

雜干犯占

彗孛犯器府樂官誅黜 赤氣掩入器府天下樂廢

觀象玩占三十三終